

高平縣志

知高平縣事龍汝霖纂輯

官司第五

秦爵二十曰徹侯十九曰關內侯徹侯以侯就國者也關內侯但爵其身食租稅者也漢興設爵二等曰王曰侯而侯有宗室有功臣有外戚自公孫弘以丞相封侯不以功績故班固列之恩澤武帝懲七國發難行推恩令以削弱之作左官之律附益之法諸侯王亦惟得衣食租稅而已魏制六等則虛擁爵位而不食租唐制九等並無官土其加實封者則食其封以租調給宋以下皆取空名而不有

高平縣志

卷五

官司

一

其地明代亦然高平分封始于漢而終于明亦與有土者例也仍故志而載之焉漢則衛青元朔中以擊匈奴功封長平侯子伉嗣坐闌入宮免爲城旦彭宣元壽元年以大司空封長平侯謚曰頃子節侯聖嗣劉隆初封樂鄉侯從馬援擊交趾隆別于禁谿口破之獲其帥徵貳更封長平侯子安嗣樊尋重兄子建武五年封泫鄉侯萬普修子初襲封槐里侯徙封泫氏普卒子親嗣徙封扶柳侯魏則曹休操族子從征伐有功明帝初由安陽侯晉封長平侯子肇嗣司馬師封長平鄉侯晉則姚買姚興時封泫氏男褚翼太傅裒從兄以拒蘇峻功封長平伯謚穆子希嗣北魏

則晁暉太祖時給事諸曹賜爵長平侯張熠爲魏別將隨
長孫稚西征轉平西將軍明帝時以功封長平縣男北齊
則高仁英武成帝第六子以定州刺史封高平王齊亡入
周徙蜀唐則李叔良高祖從父弟隋義寧中封長平郡公
武德元年晉封王子孝協嗣五年改封范陽貞觀初降爲
郇國公後坐賊誅李道立孝基從子武德二年嗣孝基封
高平郡王九年降縣公張亮以秦府舊功封長平郡公貞
觀五年晉鄆國公李贄雍王繪長子封長平王李義瑜澤
王上金子封長平王武重規天后時封高平郡王中宗初
降澮國公武崇訓天后時封高平郡王中宗初鄆國公徐

高平縣志

卷五

官司

一一

彥伯神龍初以預修天后實錄封高平縣子爲衛州刺史
郟士美貞元中以平溪州賊功封高平郡公李淑順宗第
八子封高平郡王貞元二十一年晉封邵王李滂絳王悟
子太和八年封高平郡王薛綱賜爵高平公張弘靖元和
中封高平縣侯宋則趙隸徽宗子宣和五年以徐國公晉
封高平郡王趙不僇濮安懿王允讓玄孫嘉定十年追封
高平郡王景獻太子妃傅氏賜封高平郡夫人嘉定十五
年晉封信國夫人令主景獻太子祀元則鄭甫潞國公鼎
弟封高平郡公明則朱濟奕晉恭王第二子封高平王謚
懷簡無嗣谷大寬太監大用弟正德七年以平賁鐸封高

平伯十六年革長平公主莊烈帝女選尚周顯將婚都城
陷帝斫之斷左臂越五日蘇世祖二年上書願爲尼
詔不許命顯復尚主涕泣踰年卒

左傳史墨曰懼而遷于魯縣則夏后氏已有縣之名周官
有縣正春秋時楚有縣公晉有縣大夫魯衛謂之宰戰國
時曰令秦制萬戶以上爲令減萬戶爲長漢因之晉宋間
猶重其選有不經宰縣不得入爲台郎之制後魏北齊用
人褻濫士流至耻爲之唐貞觀初詔縣令親民不可不擇
開元時猶勅舉縣令中葉以後縣令闕始佐官攝令曰知
縣事至宋建隆三年以縣令選極猥下詔以京朝官爲知

高平縣志

卷五

官司

三

縣猶非外吏也後遂罷令而專設知縣政和後仕者重內
而輕外復申改官必爲縣之令元制縣設達魯花赤一尹
一明洪武初仍曰知縣定繁簡爲三等十四年復定考劾
法課最者擢同知知州其尤異者復有行取之制優者授
給事中次者御史又次部曹蓋以鼓厲賢能亦欲使朝廷
知民間利病也國初猶沿其法而康熙七年及二十九年
乾隆四年特詔臣工公舉以重行取之典故二十九年
王隲所舉清苑知縣邵嗣堯李天馥所舉三河知縣彭
鵬靈壽知縣陸隴其徐元文所舉麻城知縣趙蒼璧其得
人爲最盛嗣部以升擢太驟不用御史而專分六部主事

近則止推升評博而鼓舞人才與裨益政治之意胥失矣
高平縣廳事題名肇于建武世遠年湮遺缺者多其治績
亦莫可考取其可徵者于漢得二人焉曰邢晏安邢道業

魏三人曰邢顯邢文光李遠 北齊一人曰陳裴秀

唐五人曰李陽冰趙郡人乾元間令故志稱其學善篆憂
民之憂志切休養郝福貞元間令故志稱其移粟賑荒罷
不急之征流亡盡復明濟平原人貞元初令故志稱其有
清節時邑初改置民苦水遠不易汲濟引丹水遶城築堤
立祠號曰甘泉朱澈李季貞李貞唐宗室也 宋五人曰
楊咸弼開寶間令故志稱其抑挫豪右申理屈滯愛民勸

高平縣志

卷五

官司

四

課開置屯田公私便之今縣城其所創建云張元亨義甫
慶厯間令故志稱其調停賑卹民免勞費兩僉徭役多所
裁省晉秩中散大夫陳縱張持元祐間令 金則九人曰
劉敏行平州人由肥鄉轉令高平天會進士值城圯盜張
縣鎮不能禦敏行出己奉完治之鄉民入保賊至不敢犯
累遷河北東路轉運使詳見金史王廷直壽春人天眷間
令故志稱其繕城禦寇掩長平坑骨見藝文本記任致遠
察剗吾歌太和間以安遠大將軍行高平令故志稱其懲
化奸暴剖劇撥煩雖纖悉罔有滯者何守道宋雄飛太安
人猛安夾谷蒲納任元爽諸人則治行無稱焉 元則三

十人故志始分年次之今仍曰胡友諒至元二年尹劉好德崞州人二十二年尹故志稱其勤于勸農舉廢墜招流亡建學廟亦良吏也脫因不花西夏人二十五年尹蘇仲溫二十七年尹賈廷蒲姑人至元乙卯尹苗桓城武人貞元年尹忽都大德五年達魯花赤張彥隆七年尹馬哈馬至大二年達魯花赤劉廷實四年尹周惟德棗強人延祐四年尹張澄五年尹暗都刺阿昔思真定人七年達魯花赤郭質真定人延祐間尹故志稱其識遠操潔扶善鋤惡復程明道鄉校七十餘所築堤障水今猶號爲郭公林焉王晉卿冀寧人帖木兒太平二年尹任普太定年尹黑的

高平縣志

卷五

官司

五

兒達魯花赤楊從恕四年尹王復亨致和元年尹聶思恭至順二年尹也先不花三年達魯花赤蔡天端元統二年尹楊綱永平人後至元三年尹伯帖木兒六年達魯花赤李友聞六年尹索羅帖木兒至元八年達魯花赤只兒瓦解達魯花赤王伯顏至正九年尹棘怯林十六年達魯花赤有元一代吏治不張百數十年間其可稱述者劉好德郭質二人而已民生其間可謂困矣 明則七十三人而可紀者多蓋太祖起自民間知民生疾苦係于牧令有異績者輒遣行人齎敕往勞增秩賜金其墨吏爲民害者以極刑處之重以行取之制故一時吏治蒸蒸成宣繼之雖

未流不墜焉初曰姚思恭洪武六年任陳永六安州人二十三年任李規永樂元年任周禮十一年任周順十八年任潘綱二十年任王惟一大成人宣德五年任張璣蕭縣舉人正統六年任李輔肥鄉人十二年任李安延津人十四年任李真武成人景泰元年以吏員知縣事故志稱其廉介有守云馬廉陝州人天順二年任雷林懷寧人四年任崔璘霸州舉人成化二年任牛昉容城舉人十一年任故志稱其下車拊循與民休息自奉甚薄有廉能聲張晟章邱進士成化間任故志稱其不事表暴邑俗喜音樂厲禁而止革淫祀停雜役擢御史去杜秉深澤舉人二十一

高平縣志

卷五

官司

六

年任宋忠長垣舉人二十三年任柳豸睢州進士弘治五年以御史降知縣事豸故宰襄邑有惠政襄民間將至出境迎之有泣下者或與相爭曰我公也爾奪之後與當道隙奸民乘而搆之遂歸毛宗掖縣舉人弘治六年任故志稱其時值凶荒甫息悉力撫綏崇文學多所建置禱雨輒應楊子器慈谿進士弘治八年任故志稱其有威望吏不敢犯時詔遷民實邊抗言不便事得寢驪夫殺賈而取其資賈父誣逆旅主人鞫得實雪之踵設鄉校七十所禁喪葬用僧道俳優僕初納賄去官日知而置諸法詳崔銑記官至河南布政使司許鏞蘇州舉人九年任楊恭永清進

士十五年任未久卒于官董琦陽信進士正德元年任故志稱其時巡阡陌察勤惰以施董戒耕斂不足者輒捐奉以給復爲民定婚儀品節民歌曰前有楊父後有董母以配楊子噐也盧銳咸寧進士四年任龔進高安進士八年任故志稱其政平訟理人以爲神擢刑部主事劉經寶坻進士十一年任故志稱其遇事振舉有功學校以憂去胡士元章邱舉人十五年任劉儒道邠州進士嘉靖元年任王準儀衛司進士四年任故志稱其蠲不急之務緩無名之征扶植寡弱豪右斂手三年以治行徵去之日囊無餘資管律寧夏進士七年以刑科給事轉謫知縣事故志稱

高平縣志

卷五

官司

七

其有文采以計典去官鍾英滋陽進士八年任俞觀合肥舉人十一年任故志稱其政體寬平民無冤抑期年卒至貧無以斂楊時泰高郵進士十一年任故志稱其剛柔兼濟擢御史去劉鳳池渭南進士十四年任故志稱其工詩文喜談兵當道荐其才擢兵部主事吳本固商城進士十六年任劉大實淄川進士十九年任故志稱其明而不苛廉而不劌時有邊警率民守陴得以無患擢吏部主事楊順德州進士十九年任後官總督俺荅入寇殺難民以冒首功媚嚴嵩父子而誣沈鍊害之並杖殺其子爲魏時亮等所劾論死事見明史韓朝江醴泉進士二十四年任故

志稱其政簡刑寬所措置以愛民爲本擢禮部主事陳志
德州進士二十八年任衛東吳葉縣進士三十年任故志
稱其課士惠民聞父憂不再宿而去王惟善新蔡進士三
十二年任黃作孚卽墨進士三十四年任故志稱其廉平以
觸逆奄劉瑾去位王如綸安平進士三十六年任傅思明
博平進士三十八年任郭鋆稱爲循吏見藝文述職序張
鹵儀封進士四十二年任故志稱其案無留牘邑無冤民
三年百廢具舉以治行異等擢禮科給事中廷諍者屢矣
詳藝文墓表劉堯卿清苑進士四十四年任李楨慶陽進
士隆慶五年任故志稱其視民如子旣廉且慈擢御史去

高平縣志

卷五

官司

八

人思之官至兵部侍郎論曰本西番事屢有獻替詳見明
史王一鳳開州進士九年任靖四方隆慶中以同知攝縣
令增修城垣故志遺之劉騰霄安肅進士萬曆四年任劉
一相長山進士五年任故志稱其政適寬嚴學綜經史擢
南京吏科給事中所立鄉約規七則以彰善癉惡今碑猶
存石末里張問達涇陽進士十一年任有惠政徵授刑科
給事中屢廷諍與議挺擊紅丸移宮三大案乞休後爲逆
黨所劾奪官詳見明史楊應中固安進士十三年任張居
仁趙州進士十七年任楊性魯磁州進士二十三年任馬
從龍安邱進士二十三年任故志稱其清嚴三年報最不

名一錢不擾一事擢南京吏科給事中王省身西華進士
二十七年任擢刑部主事劉應召昌平進士三十三年任
許安遇葉縣舉人三十七年任洪聲遠黃岡舉人四十一
年任任大僚高陵進士四十六年任故志稱其嚴以御下
強宗豪卒無敢舞法者豁牛氏異寃衆神之已而疾邑人
奔禱請代者不絕卒于官詳見藝文祠記田景新思南進
士泰昌元年任後官御史附魏忠賢而劾王惟儉儉罷崔
呈秀遂居其位崇禎初張國維劾而罷之潘士秀杞縣進
士天啟二年任喬淳宛平進士三年任暢應登隴西舉人
崇禎元年任故志稱其懲剔奸胥不避權勢一境肅然魯

高平縣志

卷五

官司

九

光國榆林舉人三年任故志稱其有平徇功迨流寇侵境
戰守有資民恃以無恐未二載擢邊職去侯弘文上元舉
人故志稱其去官後散家財募兵從盧象昇討賊襄陽提
授紀監盧移任爲後事所陷象昇上疏理之竟譴戍劉大
祥真定舉人七年任白芹南宮舉人九年任王漢掖縣進
士十二年任故志稱其甫三月戢奸剔弊民咸德之未幾
調河內百姓擁留累日不得進由侍御洵擢河南巡撫于
河南屢破賊後征永成叛賊死之見明史忠烈傳盛千齡
宛平舉人十二年任滕仁政武邑舉人十三年任楊日昇
富平舉人十五年任故志所稱名宦尤多其無實政者摘

去之蓋言愼也然如楊子器之吏才李楨張鹵張問達之
讜論王漢之節義又烏獨以一邑見哉 國初至今得七
十五人曰王仰永清貢士順治元年任韋炳永寧進士三
年任劉廣國潛江進士七年任故志稱其時值姜逆初平
邑殊凋瘵廣國至禁耗羨除贖緩革賠補搜索諸弊正供
外不費民一錢邑綱貢足盈千費不貲力請減之勸農興
學報最第一以憂去范繩祖遼東拔貢十六年任故志稱
其察地方利害力爲興除均徭役革衙蠹繕城築堤創祠
修署完治文廟屢興大役而民不怨劉璟固安拔貢十六
年任故志稱其有幹才除驛遞鋪設鹽政三大弊警刁訟

高平縣志

卷五

官司

十

尙節儉勸農養士催科不事鞭笞而輸將恐後遷寧州知
州楊呈藻膚施舉人康熙元年任故志稱其愛養窮黎優
禮學校半載以艱去李啟魁臨湘歲貢二年任侯模清江
拔貢五年任武弘祖七年任畢振姬稱其嚴課士禁輕生
遠邪教案無留牘云白良玉梓潼舉人七年任故志稱其
有清操正供耗銀舊規寢及半良玉杪忽不納舊俗訟負
者繳贖緩和者納息谷首除之嚴櫃書浮歛里金之禁驛
馬豆草以平價賈諸民民不爲病發機戶價悉數無私初
邑貢綱由潞安輸之部需索多良玉改爲徑輸部以甦其
困又禁淹樞藏窳窳者凡一萬五千有奇邑人集其治行

二十則曰治泫錄八年行取入都貧不能舉火其卒也高平宦于朝者釀金以贖乃克歛張泗源長安進士十四年任宋思陟萊陽貢士二十年任爲宰四年錢御史糾其貪暴王奕駒牛兆捷左證之置諸法並逮其左右姦私三十六人民困以蘇李鈺鐵嶺蔭生二十四年任始至延王奕駒牛兆捷詢以大政時邑苦鹽弊二人勸悉除其苛豪商怒愬于張方伯壺陽撫鈺故負安溪庫金事將入告鈺懼且悔歸罪于二人而所逐三十六人者復用事王奕駒適有家僕斃盜獄鈺周內之以擢雲南知州去獄乃解故志稱其分米賑饑除蝻蝗散蕎種亦不沒其善也柯貞幹鑲

高平縣志

卷五

官司

十一

紅旗監生三十二年任梅建普定舉人三十五年任建精于韻學著有馬氏等音下車誓廉勤以謁城隍建宗程書院興義學禁旱掘水官惡俗督淹葬母踰三月禁裁紙及佛事凡十有三年擢泗州知州沈惟烈江山拔貢四十八年任高純治武進歲貢五十四年任故志稱其戢盜有方催科不擾未幾卒於官阮永裕羅定舉人五十七年任黃永耀上元舉人五十九年任甘士瑛正藍旗監生雍正元年任胡正履歙縣舉人七年任正履故精洪範五行之學前後言文藝未有能及之者以臬部議去雷暢并研拔貢趙溥池州舉人蘇璟威遠進士皆十一年任朱潤阜城進

士褚天緯吳江吏員皆十二年任吳元統睢州附生乾隆
元年任蔣永式鑲白旗監生六年任周宣徽長沙舉人十
三年任張鉞清苑進士盛綱武進進士皆十八年任黃有
恒廬陵舉人二十年任孫嗣光懷柔舉人二十八年任虔
禮寶滿洲舉人三十一年任傅德宜開元舉人三十七年
任司昌齡謂其慎於用刑爲治崇大體振興義學學宮壇
廟多所修葺焉以上得之故志除攝無辨云陳聖瑞平樂
監生三十九年攝張際盛南安舉人三十九年除於一芳
玉屏舉人四十年始攝繼而除周鴻基南豐舉人四十四
年攝林時蕃義寧進士由度吉士改爲令四十四年除毛

高平縣志

卷五

官司

十二

振翮涪州舉人四十九年除葛廷燦文安舉人五十一年
除王聯鳳鑲白旗筆帖式五十九年除宋竹苞祥符舉人
嘉慶元年攝徐承慶元和舉人四年攝張諱滋陽舉人四
年除以六條訓俗孝順父母第一尊敬長上第二和睦隣
里第三教訓子孫第四各安生理第五無作非爲第六楊
壽昌天津舉人五年攝劉養鋒清水拔貢十四年攝張祖
騫天門舉人十六年攝王元瑀寶寧舉人十七年除朱符
長樂舉人二十年攝孫若筠任邱舉人二十三年攝張文
麟羅田舉人二十五年攝李聯蒙臨川附貢生道光元年
除城南隅書院其所創置也旣而調陽曲縣以贓伏誅王

繼蘭濟寧舉人八年攝華典天津舉人十年攝周均大興
供事十一年攝游大琛霞浦進士十一年除劉象恆灌陽
舉人十三年攝高榮坊石屏舉人十六年攝李貞木秀水
進士十七年除爲治嚴而不苛勤於誘士增書院膏火助
鄉會試士子車馬費文廟爲所重繕南濠及浚水橋亦爲
其修濬後以疾歸鄭荃豐潤舉人二十二年攝游大琛二
十六年復任沈巢生六安優貢生二十八年攝萬承絳南
昌進士二十九年除周人龍漢陽進士咸豐元年攝梁大
鵬鹿邑舉人元年除劉熙敬星子進士三年除沒後以浦
國帑籍其家毛鉞江浦舉人三年攝陳松齡獻縣進士

高平縣志

卷五

官司

十三

四年攝袁繩武安肅廩貢生五年除牟衍駮日照進士九
年攝時以簡靜稱單寶書蕭山監生十年除善事上官費
用繁侈令三載民多怨之者爲十好歌訴諸上謫官去温
重綬宛平供事同治三年攝爲鹽賈所訐去位後左遷兩
人皆以虧帑復見劾龍汝霖攸縣舉人三年除夫知縣爲
親民之官邑治則天下治自古郅治之君未有不重選
牧令而能臻上理者也 國朝自乾隆以前良能之吏猶
有可紀者後則寥寥無聞焉豈愚民之口有時而鈍母亦
行取不優而實缺久任之法復停爲大吏者又不以激揚
爲政故無所奮而興起耶雖賢傑之士不必以黜陟爲勸

沮中材者流欲其無所董戒而進于善難矣况自嬴秦開
納粟拜爵之令 國朝踵焉今以軍興費廣司計者無已
而廣捐例日賤濫以爲招庸夫賤豎納白金數百流赫然
而膺民社武功勲階亦得僭保宰官授以百里直與以殺
人刃耳非剝民財以爲奉卽侵帑自肥平時餽遺諂媚有
事則巧爲彌縫偶一敗失罣吏議輒擁私橐逍遙里閭矣
國計之絀民生之凋敝罔不由此而爲之民者亦遂散
溇爲澆稔怨滋毒苛虐已甚禍變橫生吾聞粵逆韋政家
故饒于財平居能急人之急政有獄爲縣令所持彌年不
決每令至以其富也輒啗之進必千金事稍已政慮苛索

高平縣志

卷五

官司

十四

無已時受其惠者亦憤而願爲之死相與殺令反于粵羣
盜響應而中原鼎沸矣然則爲大吏者旣格于例不能舉
上焉者施之其母忘一家哭一路哭而以姑息爲寬大哉
白虎通曰古之教民百里皆有師里中之老有道德者爲
里右師其次爲左師卽成周之右塾左塾非專職也自文
翁修學官于成都爲郡國立學校之始武帝設五經博士
爲太學立師之始嗣後郡曰文學邑曰經師北魏于州郡
置博士助教歷朝或因或否宋初教授猶選諸鄉里胡安
定教授蘇湖天子至下湖州取其法以爲式迨熙寧後歸
諸中書選充而尊師重道之意寢微矣明洪武間教職亦

用儒士薦舉能舉其職者擢爲國子祭酒及翰林侍從之職所爲廣厲學官而重其職也至景泰著爲令例錄歲貢之士或以舉人進士除授之其卓行尤異者遷縣令而止位僅居雜職上由是師儒之位賤于有司學者視爲贅旒爲之長者亦止計束脯之豐腆無由以育賢爲事欲求人
才興而風俗厚得乎邑教諭故志載自明得六十人洪武間曰杜敷壺關人故志稱其學貫五經尤邃于易教有師法遷西安儒學提舉省院辟不赴洪武十三年徵爲四輔官時國學成上咨敷可爲祭酒者敷舉米訥後稱職上獎賜之以老歸著有瞬時集李墅永樂間彭貴宣德間孫麟

高平縣志

卷五

官司

十五

保定舉人林翰山東舉人正統間吳浩天順間熊璋高陽人成化間劉善高陽監生趙才鼎朝邑貢士徐及涇縣監生張倣扶風貢士蘇麒湯陰貢士弘治間史文莒州舉人正德間許綬陝西舉人史章咸陽舉人故志稱其博學勤教嘉靖間劉芳浙江舉人張朝銳澠池舉人李翹太安貢士何希仁分水貢士劉遷高陵舉人熊尙忠陝州貢士李厚郊城貢士劉邦聘同官舉人李嘉應武邑貢士楊保慶西安舉人王 延昌貢士王學孟安平舉人張紹芳鄆縣舉人故志稱其負經濟才教學有方其自處淡如也擢知縣去王堯輔鹿邑人萬歷間王道傳通渭貢士彭玉樂城

貢士喬密同州舉人王邦命趙城貢士翟彬新城舉人趙孔夷階州貢士宋德馨平順貢士徐渭祥符舉人劉漢書劉尚智皆蒲州舉人楊震楚江陵舉人婁正學晉州貢士彪準咸寧舉人張盡心孝義貢士趙養性朝邑舉人李維蕃榮河貢士劉洙平順貢士王嘉績安邑舉人喬雲霄樂平貢士王興長治舉人邊體恒陝西貢士陳國柱猗氏舉人張昌會蒲州舉人天啟間杜之美文水貢士張書紳蔚州貢士故志稱其恬靜剛毅教亦恩義兼之張奇蘊歸德貢士高第貢士田斯茂交城舉人王繼祖岢嵐舉人故志稱其待士有禮捐俸修葺學宮尤世所罕云張而訥陝州

高平縣志

卷五

官司

十六

貢士喬虞建猗氏舉人 國朝得三十八人順治朝曰李曰琴北直舉人郭寧圖太原貢士郭元祚汾陽舉人故志稱其博學工文詞康熙朝劉佐世曲沃舉人故志稱其課督嚴而不倦經其教者胥成上材修尊經閣敬一亭及左右齋廊後登進士以霍邱令卒于家邑諸生六十餘人赴弔爲立碑墓道私謚曰文肅先生賈元旌聞喜姚吉人徐溝蘇篤慶曲沃楊鳳翔薛近兗皆萬泉俱舉人安居敬芮城歲貢王炳日朔州舉人鄭方侯洪洞拔貢雍正朝朱本素臨汾柴秉郁曲沃王克仁清源俱舉人乾隆朝張世棟陽曲進士楊逢春崞縣舉人周崑安邑歲貢李郁章介休

曲盡直五台陳參贊徐溝俱舉人張績徐溝廩貢魏宸拱
武鄉李青雲榆次俱舉人武炳績交城拔貢張凌雲介休
舉人嘉慶朝康瀚廩貢生衛子淳曲沃孟崇綸太谷賈爾
瑤汾陽俱舉人道光朝毋廷相榮河范銘章平遙俱廩貢
生李朝陽榆次貢生鄭志仁李簡皆孟縣田溥介休俱舉
人王敬勝交城廩貢生趙謙冲定襄舉人段可政汾陽拔
貢李發大同潘毓瑞榮河王德本安邑俱舉人咸豐朝李
其黻平定李蔭椿介休喬鳳儀洪洞俱廩貢生陳思敬安
邑李蘭朔州黃維墀平定俱舉人今猶任 邑訓導明得
六十八人不詳其年代今仍之曰薛昺陝西李珽河南張

高平縣志

卷五

官司

十七

廉直隸樊洵張舉張通皆陝西宋琮河南表信李英蕭偉
高爵張廷獻皆陝西馬璟南皮陳鸞朱蘭皆河南張振紀
遼東馮侃劉鐸皆陝西楊時來河南馬希周宜陽牛崑海
豐唐琮河南樊彥文直隸朱鵬河南毛璋陝西皇甫齡河
南張守仁鄢陵孟祖伊吳橋董臬山東王用中同州薛世
宰韓城鄭思義永平王堯輔鹿邑谷嘉謨晉州田邵耕臨
洮熊何祥符楊友松吉州王可任新安黃鉞霍州陳嘉猷
臨汾馬駟解州周廷言霍州楊承恩壺關喬時望安邑王
大任蔚州李秉琪太平郝儲粹祥符李三恕樂平楊宗智
襄陵李敷榮長安李維蕃榮河趙方思張銑皆忻州米允

登江夏平章壺關趙用廉長治任環陝西郝承訓蒲州王維聰興縣王秉訥太原劉承光洪洞國之彥北直李瑤屯留蘇森遼州楊道溥祁縣趙耀文北直魯崇謙垣曲黨良貴臨汾俱貢生 國朝得二十九人順治朝曰胡宗化五台薛城功河曲王知榆次俱歲貢康熙朝石含璞安邑張希載長治衛中瑛臨汾劉炆陽曲薛貞榮絳州俱歲貢高式矩洪洞例貢雍正朝何朝坤大同廩貢張魏儒孝義歲貢乾隆朝孫震絳州張儺萬泉俱歲貢武承直孟縣優貢任方沆忻州曹立志平定許學儀大寧賈愷太平戴天爵靈邱俱歲貢劉殿翔興縣舉人侯榮光汾陽歲貢梁有馮

高平縣志

卷五

官司

十八

靈石廩貢甄汝礪平定舉人孫善繼安邑廩貢袁勸祁縣恩貢嘉慶朝張廷魁太原舉人李蘭芳徐溝劉文淵平定俱廩貢道光朝楊聚春祁縣樊瑗臨汾俱廩貢南登瀛寧武副榜李青綺襄垣舉人張琢代州廩貢羅文源介休附貢咸豐朝張炘太平舉人劉桂籍孟縣附貢張金堂孝義廩貢賈懿秉代州副榜曹琳榆次增貢任亦至今

縣丞自漢始晉以後復省之隋唐再置焉宋初不置丞熙寧四年凡戶二萬以上始置丞後罷置不一明制縣丞管馬管河管糧後增置勸農丞尋推之各路焉高平丞通志載北魏一人曰裴客兒故志則自明始洪武年曰潘珪故

志云邑之建置多珪所創立民咸賴之永樂年曰李希文
寧州人故志謂其以廉勤稱嘗祛虎患擢福建市泊提舉
司以去黨儒禮康畛高友賢高思能宣德年曰路謙劉瑾
山東人林森盧縣人正統年曰陳儀楊觀華陰人景泰年
曰李融安肅人鄭慶劉用德州人成化年曰王哲山東人
以兵馬指揮謫任魏昇涇州人侯英醴泉人弘治年曰楊
松邢唐人雷玉同州人劉安洛南人正德年曰邢昭三河
進士以御史謫任吳斌山東人趙寧濟南人王廷珪安定
人高堂阜城人嘉靖年曰左鏞唐縣人孫應奎洛陽進士
故志稱其官戶科給事中多所糾正同官王準以劾張璁

高平縣志

卷五

官司

十九

桂萼十一年計典遂謫準典史應奎言吏部尚書汪鋹爲
璁萼修郤乞復準官而責鋹王瓊上言準當黜乃謫應奎
高平丞恤民愛士人多德之後至戶部尚書俺荅入寇以
兵餉建議加派一切爲苟且計名減于官臺諫時詳見明
史劉大邦漢陰人張如淵德州人何寶靈寶人趙樞胙城
人胡銳定州人趙景暘靈壽人張鶴鳴米脂人楊鳳新蔡
人王容慈谿人張克柔長葛人隆慶年曰李朝陽西鄉人
田應期雞澤人李遐齡泰康人萬曆年曰竇如桂大名
人張彌岐山人鄒大經永寧人栗可中任邱人趙修永嘉人
唐銳順天人姚日旭延津人王繼志昌平人張孔生曹縣

人張所學益都人楊若水青城人李遇春高密人王雲鷺
昌平人泰昌年曰胡廷靖昌化人天啟年曰周承恩黃安
人顧思誠華亭人允良翰元成人崇禎年曰胡生宣霸州
人阮張翼涿州人徐有孚浙江人凡六十人 國朝順治
年曰焦守芝張大俊趙携龍韓質傳萍鄉人白加繪康熙
年曰丁魁南永城舉人程相壽陽人許盤青浦人金守信
諸暨人倪灝桐城人史附曾江夏人李赤建宛平人陳廷
徵會稽人李如林曹縣人凡十四人自雍正六年汰冗員
李如林授馬邑令以去而選不及矣昔韓昌黎爲藍田縣
丞廳壁記云博陵崔斯立黜官爲藍田丞旣噤不得施用

高平縣志

卷五

官司

二十

曰丞哉丞哉余不負丞而丞負余然今之丞椽其罔法而
干治者多矣則正以不施用爲得職哉

邑驛曰長平曰喬村故有兩驛丞故志所載始于明裁于
乾隆七年長平驛丞明得三十三人曰劉暄曹振貫明李
俊馮質趙宗仁薛鈺宮直春李存質柏如山王卿李承恩
于尙仁馬希林王代每魏尙深鄭彥深王惠張志達柏鷓
劉繼周程雲鵬鄭元錫胡玠馮通安藏密張時雨陳志學
徐繼道耿自新邊希旦張守隆李杜 國朝得十七人順
治朝曰閻希舉馮文學王日章童汝榮會稽人康熙朝王
詔京山人駱好昇涿州人何璧豐陶人劉光鼎旌德人葛

延秀鄆陵人錢世美沈期聖皆大興人吳祺山陰人吳大用茂山衛人雍正朝薛大經徐士琳皆大興人金璿宛平人乾隆初吳士垞喬村驛丞明得三十人曰龐貴趙寧劉雄高儉秦文學羅祖舉吳尙禮許廷寵高嵩張汾孫士淳郝世宰王駢劉傑馬蛟姚時佑周應鍾傳永實趙伸王允昌聶三魁高應祥陳明文楊可學林有瀚郭加楨林貴陳大典趙得乾梅得中 國朝得十四人順治朝曰信應甲秦嘉禾康熙朝樓紹昌義烏人王國良大興人張敦信柏鄉人郭學純陽穀人劉興隆阜城人郭振斗慶都人高弘道懷柔人楊士達河間人徐灼保定人姚崇咸寧人雍正

高平縣志

卷五

官司

二十一

朝張建立龍泉人王朝仁山陰人考明志驛丞典郵傳迎送之事凡舟車夫馬廩糗庖饌裯帳視使客之品秩僕夫之多寡而謹供應之自驛丞裁而領諸州縣牧令困頓揉靡日以不支平居文報往來恒競競馬斃夫逃以遲誤干吏議一聞使節蒞臨偵騎更遠至數百里外先期供張自綵仗以至溷茵之屬無物不具至日牧令朝服膝行迓于道左珍饈極水陸餽賂遍台隸少有不稱匿盛饌爲草具呵官司若奴僕或更污毀器物傾敗室廬必飽其欲乃去以 朝廷牧民之長奔走供支職同賤豎昔盧錫晉吏議曰役之太賤以沮其氣處之太褻以變其守不與 國家

設官分職之初意相刺謬乎

主簿亦始于漢而漢百官志有丞尉而無簿以所職者簿書同于曹掾者流惟後漢張忠署孫寶爲主簿晉習鑿齒爲桓溫主簿始稱要職然漢晉皆自長官辟調之隋乃銓自部唐赤縣二人他縣一人宋則千户以上置令簿尉四百户以上置令尉令知主簿事四百户以下置簿尉主簿兼知縣事金制中縣而下以主簿與尉通領巡捕事下縣則主簿兼之明以主簿職巡捕邑主簿故志載自明而

國朝裁之然余考羊頭山炎帝廟碑元至大元年有主簿宋明縣尉太不花知故志濶畧者多矣洪武間曰胡南金

高平縣志

卷五

官司

二十二

南昌人永樂間蔡義尙智文正李輔宣德間錢勝曹嵩河南人張麓壽光人正統間高文王友直棲霞人景泰間王弼天順間孫智何惠岳州人成化間屈泰耀州人劉通張欽渭南人張璟張繡滎陽人正德間韓存汶上人李華定州人高旻洛陽人郭經王通羅山人劉一中蓬萊人邢鑒宣府人高鸞四川人侯軌泰安人李鎧漳縣人孫珏萬全右衛人錢倫金州衛人嘉靖間劉端保安人杜相隴西人朱金遼東人黃錦崇信人顧朴太康人張定長安人于珣咸寧人郝瑜直隸人劉藍祁州人袁宏曹縣人李呈瑚陝西人路友直安陽人崔儒西寧人隆慶間趙衫臨漳人龐

淳儒昌樂人萬厯間張宗孔萍鄉人景奇安定人梁應奎
夏邑人冉進巨清苑人吳文鰲南豐人王懋昭內黃人李
應隆山陰人陸滋英桐鄉人于海寧海人韋登高山陽人
王本禹州人許光啓新城人天啓間李汝清鄆縣人夏國
英山陰人張述堪崇禎問陳重器凡六十一人顧寧人先
生有言小官多者其世盛大官多者其世衰然必如漢魏
之法長官得辟舉屬掾不然則如唐宋之丞尉叅用士人
如郭元振之尉通泉袁燮之尉江陰斯人競自愛不爲民
病若近世捐例冒濫流品益雜不可問以貲來者行同駟
儈恒欲盈其谿壑以去多一官適多一蠹民弗能堪是不

高平縣志

卷五

官司

二十三

若裁冗員而清仕途之爲得哉

典史置自元猶漢唐之縣尉也其制于民少事簡之縣以
簿兼尉別設印典史一員明去尉而置典史然考明曹鼐
以太和典史運糧至京乞會試得第二廷試復第一不十
年登相位猶未限以雜流也後以監生違限者謫遠方典
史職寢卑劇矣循流至今捐例濫開賢否混淆士流至爲
齒冷夫名重于利則人驚名利重于名則人驚利負其才
能者無由表見于下位惟有恣睢自肆以饜已欲耳然如
故志所稱袁主簿事亦足鑒已志曰袁宏曹州人嘉靖間
以邑主簿攝縣尹殘虐已甚民以無辜死者數十人未幾

以貪黜其鄉人曰吳中立夜夢青衣數十向宏索命中立
勸止之青衣者曰爾子當爲山西巡按雪吾恨萬厯丁酉
其子楷果以巡鹽來檄祭邑厲壇曰昔我曹人曰袁宏者
仕爾邑主簿以貪酷敗官萬厯初余先人夢爾縣青衣人
數十遶豪宅索命寤命余曰而官山西必祭高平邑厲慎
毋忘夫夢寐幻景疇敢曰真然天道福善禍淫袁宏剝民
肥家旋亦斬嗣今繼孫爲人傭矣爾民被其漁獵或斃敲
朴賈恨以沒鬱爲厲鬼然觀其家破嗣絕亦可釋恨于九
泉哉余思冥漠之表豈真如釋家者言有因果禍福之不
爽亦惠吉逆凶氣機之相爲感者然也吁可畏哉可畏哉

高平縣志

卷五

官司

一二十四

邑典史故志載自明得五十五人焉永樂間曰曹顏李登
王記宣德間焦義李思敬天順間秦堅臨湘人正統間常
聰成化間翟璉劉整利津人劉元唐縣人孟玘伊衡朱立
皆山東人王宏德州人弘治間吳清涇縣人王恭昌黎人
賈福獻縣人劉聰正德間董璿醴泉人陳洪黃陂人李璣
鹿邑人田魁清平人鄭良涿州人嘉靖間張鏗清宛人鄭
林固安人馬士龍尉氏人耿章祥符人王維封邱人孫寧
咸寧人徐大海陝西人楊震福建人丁憲直隸人龐朝臣
威縣人張成物順天人隆慶間劉邦泰涇陽人萬厯間忝
建寧州人姚本於潛人孫承祖慈谿人劉東魯夏邑人李

養桂山東人吳伸芳息縣人張登雲河州人杜金堂寧羗人張東延津人范國楨平湖人楊文學黃岡人黃嘉賓江西人夏之誥湖廣人郭際召李亨孫世賢皆江西人天啓間丁士昌武進人余凌雲四川人崇禎間林士信福建人安仁華州人國朝得五十五人順治朝曰邱達成鼎勲陳伯和吳良玉張文旂長安人任尙倫康熙朝尙鍾安陽人徐欽時南昌人金灝武清人王起蛟神武人任天祺遂安人王師捷吳縣人郭宗儀三河人徐聲鏞交河人雍正朝王瑛大興人秦雲鵬宛平人吳士垌大興人乾隆朝張敬山陰人涂基新城人鄭伯孺玉屏人周作銓會稽人涂

高平縣志

卷五

官司

一二十五

基王熾大興人弋宙文大興人嘉慶朝祝濫柳煥劉士楷皆大興人劉錫麒武進人道光朝孫遇清陽湖人金春普嘉興人朱其煒清苑人金春普何梅來鳳人杜倌許乃泰董鈎皆大興人錢枚清苑人張世鉞宛平人唐元煜溧陽人魯杰袁鴻慶王炳皆大興人沈炳南會稽人房心田欒城人宋震霆大興人陳家椿江夏人王揆漢川人咸豐朝吳克昌桐城人祝爾金莫光焯皆大興人陳汝弼閩縣人吳文淦大興人汪澤寧鄉人同治初至今陳子筠宛平人李方華房山人傅錫麟大興人殷朋天津人

說文曰巫彭初作醫周官有醫師漢有太醫令晉隋更設

博士助教等官唐初令諸州置醫學宋制醫官定爲八十五員趙自化以醫顯真宗朝纘古以方伎貴者爲名醫顯秩傅明洪武置醫學訓科縣凡一人設官不給祿 國朝雍正初制由部給劄乾隆時更頒給鈐記重民命也邑訓科自雍正至今曰張啓賢梁潤初芳楊承德石聖望邢澤濬趙文忠趙百福八人而已夫太古有岐伯俞拊中世有扁鵲秦和論病以及國原診以知政故足貴也次則如漢倉公華佗之倫亦能察精脉而易生死馬班列傳故不遺焉若今所謂醫師不倚方術殺人幸矣謂能漱滌五 練精易形未之有也嗚呼末世殺人之術亦多矣哉

高平縣志

卷五

官司

二十六

漢武封少翁樂大爲將軍隋文以沙門爲學士創仕途之變局于仙釋亦稱濫焉北魏以後或崇釋而禁道或崇道而禁釋狃于偏見非知所禁黜者也至唐開元置道舉宋政和建道學流風所煽久而不殄明初縣制置道會一人僧會一人設官不給祿 國朝因而給劄頒鈐記以隱寓裁制之意與邑之陰陽學訓術同陰陽家者蓋出于羲和之官上世則有子韋鄒衍諸人故司馬談論六家要旨首陰陽而漢志自泰壹陰陽至五音定名爲五行三十一家後益闡之若晉管輅隋庚季才唐呂才皆能正時日而順氣序若牽于禁忌泥于小數舍人事而任鬼神如漢志所

譏藝成而下矣高平僧道陰陽諸司學人尤纖瑣無得而稱焉

兩漢之法令長皆有丞有尉是曰長吏下有斗食佐史之秩是曰少吏漢武從公孫宏之議令郡卒史皆用通一藝以上者晉宋曰都令吏秩二百石間用士流爲之唐總章初詔諸司令史考滿者限試一經出仕曰流外惟禁應舉金皇統間更以進士爲尙書省令史明昌朝以舉人爲御史台令史終金之世諸宮護衛及省台部驛令史通事仕進列于正班故吏知自重鬻法者鮮明初始詔胥吏不得應試及選舉流品始分然嘉靖定百官祿米俸鈔之制雜

高平縣志

卷五

官司

二十七

流吏典亦與焉則有以養其廉矣 國初著役納以銀康熙初改召募以繁簡定經制額著役無過五年資部考而官之亦欲鼓人才而清蠹竇防制未始不密也然衙役犯贓之律甚嚴而書吏之工食不復銓選寔成虛文流品積爲卑尢俯仰無賴欲其不取杯酒于民雖曰戮百人何益今日而欲救其弊既不能用士人重祿精亦惟清簿書而省文網寇永脩曰治道之衰起于文法之盛弊蠹之滋始于簿書之繁不其然乎高平額設吏房典吏一書辦一戶房典吏二書辦四禮房典吏一書辦二兵房典吏一書辦二刑房典吏一書辦二工房典吏一書辦二承發房典吏

一書辦一招商書辦一勘合科典吏一鋪長司典吏一倉
房攢典一書辦一庫房攢典一書辦一

高平縣志

卷五

官司

二十八